

Ilulissat ulloq 12. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

### **Naalackersuisunut apeqquut:**

1. Nunatta ernngani avammut tunisassiorneq qanoq ilillugu annertunerusumik nunatsinnut iluanaarutinnngortissinnaanera naalackersuisut qanoq takorloorpaat ?
2. Nunarput nammineerluni imermik tunisassiornermut atugassamik umiarsuarmik pilersitsisinnaanera Naalackersuisunit takorloorneqarsinnaanerluni ?
3. Umiarsuarmik imermik tuniniaanermut atugassamik pilersitsisoqarsinnaappat, taamaattoq qanoq akeqassangatinneqarsinnaava ?
4. Nunarsuarmioqatitta ilarparujussui imissaaleqalutit ajornartorsiortut qanoq ilillugit ikiorsersinnaavagut nunatsinnut aamma iluanaarutaasumik ?

### **Tungavilersuut:**

Nuluneqanngitsutut nunarsuup ilarujussuarni aamma pinngoritap allangoriartornera ilutigalugu inupparujussuit ilaat imissaaleqalutik assorujussuaq ajornartorsiortut, illua-tungaaticut uagut maani imerujussuaq sermersuillu annerusumik iluaqutiginnikkivut.

Takorloorneqarsinnaannginnerluni; Nunarput suliffeqarfissuarnik ingerlateqatigiiffinnik arlalinnik peqarpoq, tamakku ilaat aqqutigalugu nammineerluta imermik avammut tunisassiornerunissaq anguniarlugu umiarsuarmik pilersitsisoqarsinnaannginnersoq ?

Tamattami nalunngilarput, nunatta avammut niuernermini iluanaarutigisartangai ukiorpassuarni annertusiartunngitsut, tassa nammineerluta avammut nuierutigisinnaasatsinnik pilersitsisinnaanermut eqqarsanngippallaaratta.

Tassami avammut niuernermit annertusartariaqarparput, pingaartumik tunisassiassamik ujaqqaartariaqanngitsumik annertoorujussuarmik peqartilluta.

Apeqquutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.

